


古經題跋

上



古經頭跋



排刷以頒同好
不許行肆發版

叙

曩昔弘仁九年春天下大疫於是

嵯峨帝親書金字心經使我祖弘法大師慶讚禳之
疫卽止

帝感其効新造一字於峨山別莊以安置
御筆匾曰心經殿爾來奕世

諸帝擬其故事各親書之以藏于此云蓋寫經之功
德有若此灼灼者佛眼山定上人常恐昔人尊經之
蹟日將湮沒嘗輯錄天下諸名山古經題跋將傳于
世余取而閱之縉紳公鄉及名縉大人之欵識凡三

百餘章皆抄出于古本中蒐羅之功可謂勤矣此書一出而昔人之精神永存不朽也不亦一美事乎余以爲此書匪啻備溫古之資若異日有補史之闕文者必將有所取矣頃日印刷告竣書此以表隨喜之意焉耳己巳晚秋野山明王院增隆題于東京府二本棟寓房

古經題跋序

凡搜索古經如覓至寶涉獵摘摭萃義于梵漢經歷睹記採證于古今以備博覽以廣異聞亦古聖溫故之遺意也本邦古經約係隋唐以還之傳籍到今鉅刹名藍往往收藏焉然散軼殘缺無有蒐輯之者豈可不慨嘆乎哉寬永中平安岱中庵良定上人討尋南都西京諸山之零本殘編以集成大藏經全部今收奔于寧樂念佛寺者是也嘉永壬子之秋余西游搜訪諸山古經適得縱觀之其中有西魏陶仵虎所書菩薩處胎經五卷唐慶節所書樓炭經一卷最爲

其冠其他有本邦支那縉紳公卿暨名緇聞人所贍
寫經一千餘卷咸一千年以上物也可謂希世鴻寶
矣於是余謂本邦之富于古籍不讓西土如歐陽氏
所稱也今南都一古刹其存者猶如是遍求諸海內
當獲大藏中八九分歟頃日余抄錄諸名山藏經題
跋以備考證之資因紀曾所寓目以贊卷端爾文久
三年癸亥冬嘉平月題于佛眼山古經堂

古經題跋卷上

佛教大學所藏

佛眼山竺徹定輯錄

○和州藥師寺藏

大般若經卷第二十三

藤原宮御寓 天皇以慶雲四年六月十五日登
遐三光慘然四海遏密長屋殿下地極天倫情深
福報乃爲 天皇敬寫大般若經六百卷用盡酸
割之誠焉

和銅五年歲次壬子十一月十五日庚辰竟

用紙一十七紙

北宮

○按續日本紀曰 文武天皇慶雲四年六月十五
日崩所謂天皇斥 文武帝也長屋王傳見諸史
東征傳曰長屋王製千袈裟施此土沙門衣綠繡
偈曰山川異域風月一天寄諸佛子共結來緣鑑
真和上大嘆賞之遂決東征之意云惟惜遭讒而
不克終焉寔千歲之遺憾也又按大般若經校異
曰我 朝謄寫大般若經昉于神龜五年以余考
之當以和銅本爲權輿耳

○和州興福寺藏

大般若經卷第五十三

神龜五年歲次戊辰五月十五日佛弟子長王至
誠發願奉寫大般若經一部六百卷其經乃行行
列華文句句含深義讀誦者蠲邪去惡披閱者納
福臻榮以此善業奉資 登仙二尊神靈各隨本
願往生上天頂禮彌勒遊戲淨域面奉彌陀並聽
聞正法俱悟無生法忍又以此善根仰資 現御
寓天皇並開闢以來代 帝皇三寶履護百靈影
衛現在者爭榮於五岳保壽於千齡 登仙者生
淨國昇天上開法悟道修善成覺三界含識六趣
稟靈無願不遂有心者獲明矣因果達焉罪福六

度圓滿四智果圓

神龜五年歲次戊辰九月二十三日書生散位寮
散位少初位下壹難善得

初校生式部省位子無位山口忌寸人成

再校生式部省位子無位忍海連志登麻呂

裝潢圖書寮番上人無位秦常忌寸秋庭

檢校使作寶官判官從六位上勲十二等次田赤
染造石金

檢校使陰陽寮大屬正八位上勲十二等楷日佐

諸君

檢校藥師寺僧慈 用長麻紙陸張

○按續日本紀曰王者舍人親王之弟也靈龜元年
六月薨今據此神龜經本之跋則恐史紀之誤歟
今言 二尊者斤 天武帝及尊妣言現御寓

天皇斤 聖武帝也此經零本今流傳在尾州名
護屋府某氏手云

○和州東大寺藏

仁王護國般若波羅密經二卷

朕以萬機之暇披覽典籍全身延命安民存業者
經史之中釋教最上由是仰憑三寶歸依一乘敬

寫一切經卷軸已訖讀之者以至誠心上爲國家
下及生類乞索百年祈禱萬福聞之者無量劫間
不墮惡趣遠離此網俱登彼岸

天平十三年歲次辛巳春二月十四日

○按續日本紀曰天平十三年 帝發願廣爲蒼生
祈景福天下諸國各造四天王護國之寺并寫金
光明最勝王經十部并妙法蓮華經十部又曰天
平感寶元年詔曰以華嚴經爲本一切大小乘經
律論抄疏章必讀誦書寫悉令盡竟蓋此時之物
也余嘗游戒壇院瞻禮 帝所書華嚴經并菩薩

戒羯磨文奎章煥爛字字拭目世有古蹟手鑑者
咸以 帝宸筆爲卷首第惜斷奎殘璧不完備耳
大愛道比丘尼經二卷

皇后藤原氏光明子奉爲尊考贈正一位太政太
臣府君尊妣贈從一位橘氏太夫人敬寫一切經
論及律莊嚴既了伏願憑斯勝因奉資冥助永庇
菩提之樹長遊般若之津又願上奉 聖朝恒追
福壽下及寮采共盡忠節又光明子自誓言弘濟
沈淪勤除煩障妙窮諸法早契菩提乃至傳燈無
窮流布天下聞持卷獲福消災一切迷方會歸覺

路

天平十二年五月一日記

○按日本史曰皇后善書屬文嘗手寫金字一切經律論製願文書每卷後余嘗觀京畿諸大刹藏經皇后所書經論凡有三種各有願文一曰爲尊考尊妣天平十二年五月一日一曰爲亡考天平十二年三月十五日一曰爲二親魂路天平十五年五月十一日文章體裁各異然皆黃紙墨書筆力秀潤但未見所謂金字者爲憾焉

阿難四事經一卷

維神護景雲二年歲次戊申五月十三日

景申弟子謹奉爲先聖敬寫一切經一部工夫之莊嚴畢矣法師之轉讀盡焉伏願橋山之鳳輶向蓮場而鳴鑾汾水之龍驂泛香海而留影遂披不測之了義永證彌高之法身遠暨存亡傍周動植同茲景福共沐禪流或變桑田敢作頌曰非有能仁誰明正法惟朕仰止給修慧業權門利廣兮拔苦智力用妙兮登岸敢對不居之歲月式垂罔極之頌翰

○按孝謙帝宸筆經往往收弃于城和諸刹皆有神

護景雲二年願文書法勁邁似非女筆者然諸史
缺之不載一何也待勘

○和州四大寺藏

金光明最勝王經十卷

天平寶字六年壬寅正月八日佛弟子百濟豐虫
寫

○按豐虫傳見續日本紀今略焉
中阿鎗經卷第二十九

天平寶字元年九月十五日式部位子少初位下
上毛野君大河勘本經

覆位興福寺沙門 行禪證

天平寶字三年十月一日散位少初位下岡日佐
大津寫

左大舍人少初位上大隅忌寸

君足初授

散位從八位下大綱君

廣道再授

坤宮舍人少初位上秦忌寸

忍國參校

裝書匠散位少初位上秦忌寸

東人裝

○按諸子傳見續日本紀今略焉

大毗盧遮那經供養次第法卷第七

天平神護二年十月八日正四位下吉備朝臣由

利奉爲 天朝奉寫一切經律論疏集傳等一部
○按續日本紀曰神護景雲三年 天皇不豫羣臣
曾無得謁見者典藏從三位吉備朝臣由利出入
卧內蓋此時所書歟

○和州唐招提寺藏

大般若經卷第一百七十六

夫以般若大乘者斯乃三世諸佛之肝心十地菩
薩之寶藏然則歸依者無不消灾納福隨順者豈
無斷惑謹真伏惟爲孝子坂上忌寸氏成秋穗等
慈光考故出羽介從五位下勲四等坂上忌寸石

捨大夫之厚恩撫育之慈高踰須彌擁護之悲深
過大海經生累劫碎身捨命何得報哉方欲西母
長壽晉於□□□盡曾參之侍奉極仲□□□爲
子之至誠展事親之深□□命亦□催年報運既
窮□□存誠有闕慈顏無感泉路轉□□□地而
雖悲歎都無□□□治領袖唯有佛法必救恩虛
□□□寶龜十年歲次己未潤五月朔□□□□
紀朝臣多繼并男氏成女□□□結言奉寫大般
若波羅密經一部□□□爲遠代之法寶也□
□□用奉資先考之神□□□□海速到極樂

之寶 □早登摩尼之玉殿 □□□□□

大藏經全部

宋本

每卷押唐招提寺印印文古雅

金剛經一卷

唐鑒真和上真蹟無跋

妙法蓮華經七卷

天平十二年六月菩薩戒弟子沙彌優曇敬寫法
華經一百部欵識上押內家私印之信

○和州法隆寺藏

妙法蓮華經七卷一軸

長壽三年六月一日寫經人雍州長安縣人李元

惠於揚州敬造此經書法絕妙

同經七卷

用明天皇宸翰

梵網經二卷

紺紙金字 上宮皇太子真蹟

法華經義疏四卷

襍背有大委國上宮王私集非海彼本之十二字
如勝鬘經疏

勝鬘經疏義私鈔六卷

右彼鈔者大唐高僧之製造日域面目之秘書也
貞觀十三之運雖請求於我朝建長第七之曆纔
訪得乎荒陵恨矣忘先哲之芳志可悲失後銳之
龜鑑依茲恩寫一本永冀傳通矣伏惟 上官王
聖靈者東城佛法之曩祖也法隆學問寺者太子
鄭重之御願也纔辨因果之人誰忘 皇太子之
鴻恩苟志報謝之輩須崇法隆寺之人法聖靈忝
留義疏於末代寺家又昌夏冬之研練須寫此鈔
安置彼寺仍更修寫一本永以寄入以謝聖靈無
窮之恩德以擬寺中琢磨之披覽而已丹襟之旨

蓋以若斯

建長八年三月十八日

西大寺衆首苾芻獻尊

此鈔者延曆寺座主慈覺大師以承和五年奉使
入唐幸達揚州詢求法文緣宿殖故遇此疏鈔寫
得送歸叡山鎮藏其疏主者南嶽大師後身上宮
太子又鈔主者天台六祖妙樂弟子祖孫道合光
榮妙極吾師獲之流傳本朝可謂繫固之士權示
先後傳教救迷末學信之須篤敬重

貞觀十三年十二月十八日

前入唐沙門圓珍敬記

貝多羅葉三片

尊勝陀羅尼一般若心經一摩多體文一迦葉尊者所書云可謂梵文之祖矣近時勢州西來寺某上人摹刻之

大般若經卷三十二

若夫性海淵曠譬彼滄波惠日高明等斯靈曜受持頂戴福利無邊讀誦書寫勝業難測是以大法師諱行信平生之日至心發願敬寫法花一乘之宗金鼓滅罪之文般若真空之教瑜伽五分之法

合貳千七百卷經論奉翊 聖朝退願四恩兼救群品然假體如浮雲草命似電光未畢其事舍玉從化弟子孝仁等不勝風樹之傷敬辨先願仰願棟畏 聖朝金輪之化興乾坤無動長遠之壽爭劫石彌遠退願篤象四恩枕涅槃之山坐菩提之樹位成灌頂爲奮降魔廣及法界六道有識離苦得樂齊登覺道

神護景雲元年九月五日敬奉寫竟

○余曾游法隆寺觀信公所書大般若經書法勁健非凡筆也夢殿安公塑像其仙風道骨可想而知也

其傳見高僧傳

中阿鎔經卷第十一

天平寶字元年潤八月二十五日式部位乎少位
下上毛野君大河勘本經

覆位興福寺沙門

行禪證

天平寶字三年九月十日文部書生大初位上高
赤磨寫

左大舍人少初位上大隅忌寸 君足初校
坤宮舍人少初位上秦忌寸 忍國再校
散位從八位下大綱君 廣道參校

裝書匠散位少初位上秦忌寸 東人裝

增一阿鎔經卷第廿三

天平寶字二年三月二十七日覆位藥師寺沙門
善牢勘本經

覆位元興寺沙門

善覺對校

天平寶字三年十一月四日散位大初位上三島
縣主岡磨寫

左大舍人少初位上大隅忌寸 君足初校

坤宮舍人少初位上秦忌寸 忍國再校

散位從八位下大綱公

廣道參校

內史裝書匠少初位上長江臣多古志磨

裝

增一阿鎗經卷第五十

天平寶字二年五月十一日覆位藥師寺沙門善

牢勘本經

覆位元興寺沙門

善覺對讀

天平寶字三年十二月二十六日前春宮舍人初
位下科野虫磨寫

坤宮舍人少初位上秦忌寸

忍國初授

散位從八位下大綱公

廣道再授

左大舍人少初位上大隅忌寸

君足參授

內史裝書匠少初位上長江臣多古志磨

裝

長阿鎗經十報法經卷下

天平寶字六年五月日

願主光覺

頭優婆塞大行

垂水乎伎多

垂水公黑人

垂水大野

垂水赤麻呂

垂水大麻呂

垂水廣島

垂水古麻呂

大三和筆

布也布伎大山

猪名部首老

高向村主東人

多目宿彌大羽古女 垂水都良女

猪名部首刀自古 大三和孩子

衆事分阿毘曇卷第十一

天平寶字六年六月八日

願主僧光覺

文忌國長

鳥部連刀自古

紀勝賀田奈古

川原連島古

彌勒菩薩所問經論卷第三

天平寶字六年十月七日

願主僧光覺

光笠菩薩

客水君益下右

父僧道風師

母奈志乃部君白益古

荳木忌小牛

上小野

客人君智山

客水君阿古万呂

客水君智山

掃守宿彌秦都加古

客人君白君

舍利弗阿毗曇非問分念

天平寶字六年十月七日

願主光覺

秦連鶴根子

物部連長女

度津臣家守

物部連飯古

物部連志都古

衆事分阿毘曇卷第九

天平寶字六年十月八日

願主僧光覺

光道菩薩

子紫

幸原吏便古

殿門古

大宅臣美都良

筒日牛耳

優婆夷戒經卷第六

天平寶字五年十二月日

願主僧光覺

智戒

頭優婆夷智高

阿毘曇問分眾品第一

天平寶字六年十月七日

願主僧光覺

毛人黃皮四枝

語字磨

桑名牛養

大伴河久磨

尾張連田女

大和御都木女

同申女

阿尔桑磨

增一阿鎗經卷第十

右奉爲 皇帝皇后

維天平寶字六年歲次壬寅二月一日

願主僧光覺

僧道真

僧況戒

僧願成

僧命花

沙彌壽益

沙彌降成

優婆夷文善

沙彌壽貢

優婆夷法賢

優婆夷文明

長尾忌寸國勝

檜前村主家刀自

平群朝臣虫名古

泊虫名古

後布王公人

資村廣足

優婆塞鳥養

姓布王 □名

○按續日本紀曰天平寶字中 紹天下鼎建三
戒檀大興毘尼今觀此戒本數種四衆正位次第
有序非今時等濫之比自俾千載之後仰其遺風
餘烈矣

無垢淨光經小卷

在百万塔中傳曰 孝謙帝宸筆塔趺面有神護
景雲元年十月等之欵識按續日本紀曰神護景
雲四年戊午亂平 帝發願曰造三重小塔一百
万基高各四寸五分基徑三寸五分露盤之下各

置根本慈心相輪六度等施羅尼至是功畢分置諸寺此經乃是也或曰此經爲我朝刊版之權輿焉

佛說菩薩投身餓虎起塔因緣經一卷

贈從一位右大臣兼行皇太子傳中衛大將藤原朝臣誓願

延曆十□年六月十一日

大藏經全部 明本

五部大乘經

應永中所書也每卷有題字

○和州高貴寺藏

大乘莊嚴經論卷第一

延曆七年五月二十日本願主栗野寺

檀越沙彌延命 後奉仕僧定來

伊福部連福人 僧勒群

經師僧信徹

大般若經全部

仁平三年歲次癸酉六月十六日書寫筆師願空川合宮一筆經也爲佛法興隆滅罪生善法界衆生平等利益也施主沙門僧念□

承安二年歲次壬辰十一月八日癸酉供養了其
日導師松林院法印請僧三十人樂頭光近樂
人舞人二十人

元久元年甲子八月日百卷成俊施入之
應保二年歲次壬午二月九日丙午書寫

願主俗姓紀氏長寬寺住僧永信

筆師僧相譽五百廿卷一筆

○紀州日高郡新村觀音堂藏

大般若經卷第四百三十

竊以昔河東化主諱方福法師也行事繁多但略

陣耳其橋構之近啓於廣河般若之願發於後身
此始天平十一年迄來十二年冬志未究畢迹偃
松嶺是以改造洪橋花影禪師四弘之願發於寶
橋一乘之行繼於般若汎導汎誨良久良長于茲
吾家原邑男女長幼幸預其化心請本主謹敬加
寫大般若經二帙升卷繕飾已畢此第四十三帙
并第五十二帙也仰誓辱捧一毫之善咸報四恩
之重伏願人賴三益之友家保百年之期廣施少
善餘祐普及親疎自他相攜共遊覺橋

奉仕知識馬首宅主賣

天平勝寶六年九月廿九日

用紙十七張押仙光院印

大般若經卷四百二十五

願文同前

奉仕知識牧田忌寸玉足賣

河内□□□田上施福院常住也

卷背有記曰

延喜十二年權檢非違使高屋梁蔭依廳宣奉寫
又有寬和長德万壽延久等欵識

○紀州高野山藏

大藏經全部

紺紙金字 美福門院皇后所附也簽題 皇后
真蹟也爲供養料割本國荒川庄附之故謂之荒

川經

同 全部

康和三年辛巳羽州平源上人募緣所贍寫也

同

全部

高麗本

石田三成爲亡妣所附也

大日經疏

爲續三寶惠命於三會之出世廣施一善利益於

一切之衆生是則守大師之遺誠偷令遂小臣之心願謹以開印版矣

弘安二年己卯四月日

將來目錄二卷

爲酬四恩廣德興三寶妙道寫大師御筆謹開印版矣

正安四年十一月廿日

高野山愚老沙門慶賢八十二

釋摩訶衍論十卷

窺窺鑽仰之竅徒疲書寫之勞旣踈于諳誦之業
因茲且奉守高祖之遺誠且爲扶末學之稽古謹
開印版敬報祖德

建長八年二月日 高野山金剛佛子快賢

○龍光院藏

法華經八卷

弘法大師真蹟書法絕妙

十住心論十喻四幅

書畫共大師真蹟也古雅神品

金光明最勝王經十卷

紫紙金字無跋

同經

細楷精緻無跋

大日經全部

明筆上人真蹟有跋上人傳見元亨釋書

○遍明院藏

法華經全部一卷

細楷絕妙大師真蹟也

○興山寺藏

大藏經全部

紺紙金字宋國船來經藤原秀衡所附也

大日經

紺紙金字唐一行禪師真蹟希世之珍也

○金剛三昧院藏

寶積經全部

夫寶積經要品者示供養如來之真理者空寂自性之本元寔是修行大乘之路證得菩提之通門也是以新書一軸奉納高野山金剛三昧院以爲常住持經是中迦葉會分始則余自書之其次夢窓國師書之優婆離會分則征夷大將軍書之

抑先年因或人感靈夢以南無釋迦佛全身舍利之數字各冠和歌之首句以詠之既而成軸矣爲令彼詠歌之衆結良緣寫真文於其紙背者也伏冀三十一字之綺語契當三藐菩提二十餘肯之歌人成就二世願樂兼施餘薰普及三界敬白

康安三年十月八日

從三位左兵衛督兼相摸守源朝臣直義

○如意輪寺藏

因果經一卷

卷中畫說相大師真蹟也

隨願往生經一卷

大師真蹟也有傳來書數通

○泰雲院藏

心經

紺紙金字 嵩峨天皇宸翰光彩奪目

○河州高安蘭光寺藏

大般若經卷第五百二十六

天平二年歲次庚午三月上旬始寫大般若經一部六百卷右京七條二坊黃君滿侶寫奉

卷第五百十一

天平二年歲次庚午三月上旬始寫大般若經一

部平郡卿都菩臣足寫

卷第五百七十三

天平十三年五月二十四日橘戶彌麻呂願經

卷第十一

奉爲四恩寫檀越下村主廣麻呂

卷第五百九十一

天平十六年六月卅日春日戸比良

○按讀日本紀曰 聖武帝天武八年丙子三月三日詔每國造佛像寫大般若經一部蓋此時物也

寺傳云此本南都興福寺舊藏也

○城州梅尾高山寺藏

佛說彌勒上生經

維天平十年歲次戊寅六月戊戌朔廿九日丙寅出雲守從五位下勲十二等石川朝臣年足稽首和南十方諸佛蓋聞法門興聖表無量以凝尊真相開靈隨緣而應物故得五根宣化遙變響於和音十念成功遠登神於補處年足慈顏永隔空懷罔極之哀諱日俄臨方積終身之感庶憑功於妙力希樹果於良因謹以茲辰敬造彌勒菩薩像一

鋪寫彌勒經十部蓮臺寶相含璧月而披光貝篆
靈文貫珠星而流影伏願契道能仁昇遊正覺菩
提枝下聞妙法之圓音兜率天中得上真之勝業
通該有頂普被無邊並泛慈航同離愛網

○按日本史曰石川年足大紫蘇我連子曾孫也性
廉勤好讀書最習於治體天平中敘從五位下爲
出雲守作律令別式二十卷天平寶字六年薨年
七十五子名足

金剛頂瑜伽經卷第二

上野國緣野郡淨院寺一切經本

掌經佛子 教興 寫經主佛子教興

經師近事 法慧

弘仁六年歲次乙未六月十八日奉爲 皇帝皇
妃太子諸皇左右大臣洪基無動六親七世裕德
除近霑自身遠沐他界一切行者法眼無上菩
提正因

梵網經一卷

天平勝寶九年三月廿五日

知識頭主僧靈春 沙彌願戒

日置石方呂

土師留文

土師白方呂

土師賣方呂

四分律卷第五

高天寺中林院之一切經也一部五十卷弘法大師所筆末代重寶也合縫有高天之印

承平六年七月十五日五百木丸

一切經律論發題一首

唐伯金寺沙門光藏書 紙背押伯金寺印
賢聖義問答一卷

嘉應三年正月七日天台沙門親融

紙背押金剛寶寺印

華嚴經疏抄卷第一

大宋咸淳第七辛未春中月下七日於宋朝湖州思溪法寶禪寺借得行在南山高麗教寺之秘本

寫之畢 執筆沙門辨智

正應五年九月廿一日夜於湖州法寶禪寺加點了 求法沙門澤舜

○紫野大德寺藏

大威德陀羅尼經卷第十七

天平勝寶七年六月二十一日

從七位上守大覺直講上毛野君立磨勘本經

覆位興福寺沙門

行禪證

天平勝寶八年六月十八日

散位大初位下三島縣主

岡磨寫

散位大初位下大綱君

廣道初校

右大舍人大初位下田邊史

人道再校

左大舍人無位大隅忌寸

君足參校

僧伽吒經卷第二

天平勝寶七年十月十八日

正八位上大學寮少屬內藏伊美全成校本經

覆位元興寺沙門

慶順證

覆位元興寺沙門

善口讀

天平勝寶八年四月八日

右大舍人正八位下志記縣主

久比磨寫

散位大初位下大綱君

廣道初校

左大舍人無位大隅忌寸

君足再校

右大舍人大初位下田邊史

人道參校

瑜伽師地論卷第六十

太宰府史生正六位上入戶史石島春日刀自賣

奉爲慈父母仕奉願

延暦四年六月十五日

古經卷之三

三

○北野興聖寺藏

大般若經全部

建曆二年壬申十一月廿八日書寫畢

執筆超昇寺信西

般若第一教此經結緣者雖有重業障必當得解脫

注般若心經一卷

開寶九年丙子歲正月一日文鑒自書

三注心經一卷

大唐南陽國師惠忠

大洪芙蓉禪師道楷

惠林慈英禪師懷深

○右榮西禪師要淨坊所舶齋也又有大藏經海住山舊藏也有永万長承等欵識

○松尾神宮寺藏

大藏經全部

永久中神主泰宿爾親任及賴盛雅遠等所附也
永治元年辛酉十一月二日以延曆寺西塔院報

恩藏本一挾了賢智

願以書寫力上求菩提緣上中下衆生總至沙界

外現世身堅固所願皆成就後生生淨土同修普

賢行

○北野天滿宮藏

大藏經全部

應永十九年壬辰三月十七日起筆

本願主 金剛資 學藏

有阿波法林寺範意作州滿福寺宥仙濃州定德
寺良榮伊勢金剛寺祐盛等欵識

○嵯峨清涼寺藏

金剛頂經一卷

文安元年甲子極月日金剛佛子覺增

大毗盧遮那成佛神變加持經供養法卷七

右經王七軸印版脣師主權僧正十三回之忌辰
鏤梓置此於東寺西院冀以此無盡莊嚴之法文
資彼三覺圓滿之菩提續密藏於三會救羣生於
彼岸

嘉吉元年辛酉六月十五日權律師覺增謹識

○華頂山智恩院藏

大藏經全部

慶長中東照公所頒賜也傳曰毛利長州侯所付

而周防山口乘福寺舊藏也元和中台德公有命
新建輪藏安傅大士二脇士及四天王塑像莊嚴
壯麗冠于都下

根本薩婆多部律攝卷第四

福州東禪等覺院住持賜紫慧空大師了元謹募
今上皇帝太皇后皇太子皇大妃祝延聖壽國泰
民安開鏤大藏經印板一副總計五百餘函元豐
八年乙丑歲五月日謹題

佛說薩鉢多酥哩踰捺野經一卷

福州開元禪寺住持傳法賜紫惠通大師了一謹

募衆緣恭爲今上皇帝祝延聖壽文武官僚資崇
祿位圓成雕造毗盧大藏經板一副時紹興戊辰
閏八月日謹題

辟支佛因緣論一卷

詳對經弟子黃瑞詳勘經沙門元興寫都勾當藏
主沙門靈肇都勸首住持傳法沙門普明福州東
禪經生林銳印造

○按福州板藏經東禪開元二寺主僧募緣開印起
元豐中至乾道中凡閱九十餘年而燄功淳熙元
年孝宗給內帑錢二万錢付上天竺建輪藏殿賜

印福州經一藏命皇太子書殿榜曰法輪寶藏
稱讚淨土經五部 中將法如書

阿彌陀經一卷

中將法如書

紺紙金字慈鎮和上真蹟書法絕妙標背有歌世謂之蘆手書畫

出相阿彌陀經一卷

一代聖教十二部八方法藏妙肝心出離生死最
要法彌陀來迎得往生

觀無量壽經一卷

紺紙金字 後白河法皇宸翰

承祐元戊午七月十日本誓寺英譽林

紺紙金字 後奈良院宸翰

十二門論一卷

彌陀懺法二卷

元祖大師真蹟也

元國上都大覺寺東州至道禪師稟聖一印證而

歸中華宏開爐鞴陶鑄玄徒元應己未年東福火

南山雲遣其徒芳禪人庭號祖裁書招師師答書曰

故園法窟龍天所護豈可寂寥於今也其劫燒之變繫之革故鼎新之數乎況老師法力維持當有能者代勞不必煩於尊慮也至道螢燭之微忝分惠日之餘輝於支那數万里外使輝輝不昧於日用則是不辜於老師遠爲曲折覆護而不遺之恩也亦是至道思慕國師初傳正法眼藏於東國之大機大用之心日增月長而不退轉故也今有一坐具地片瓦覆頭無非慈蔭所被而未有不少鹽醬之語如有則老師代國師發一笑

延寶傳燈錄載至道和尚傳然欠此文故今抄之

補闕

大般若經全部

加茂神宮寺舊藏也爲沙彌政阿彌奉雕供養親父安陪時資

嘉祿元年乙酉九月一日

○入信院藏

妙樂戒儀并布薩式一卷

弘長三年正月二日以二尊院湛空上人本寫了新修淨土往生傳二卷

大治五年八月十八日書之

○黑谷金戒光明寺藏

淨土三部經三卷

傳曰光明皇后真蹟有弘安五年壬午六月十九日切句了淨尊花押

般若心經一卷

小野道風書

大藏經全部

牒本

稱讚淨土經一卷

中將法如書

○百万遍知恩寺藏

牒本

廣疑瑞決集一卷

源智上人真蹟古雅絕妙惜乎不完

圓覺經二卷

大明建文元年歲次己卯正月江西袁州府仰山
太平興國禪師住持比丘如正収贖此經受持供
養普願法界有情同增福壽共樂昇平者

難遂往生機記一卷

安元二丙申年四月八日

授菩薩戒儀一卷

明應九庚申稔霜月十三日周譽花押

大原問答一卷

永正元年卯月八日秀譽花押

○獅子谷法然院藏

大藏經全部

槩本

寶永中開祖忍澄上人以建仁寺藏高麗本校合之起於丙戌終於庚寅五月可謂勤矣別有對校錄一百卷

八吉祥經一卷

吉備朝臣由利書法遒勁合縫押元興寺印古色可掬

仁王般若經二卷

宋本

卷首押唐招提寺印

華嚴經普賢行願品一卷

崇禎七年甲寅閏八月費兆元和南題

梵綱經一卷

應永三十年癸卯秋善月日春夫誌

父母恩重經一卷

寃永二十年十一月九日良永印施

選擇本願念佛集二卷

延應板也卷首有平氏序書體古雅亦當時名手所書也

○東山禪林寺藏

大般若經全部

源賴朝公所附

一乘要決三卷

慧心僧都真蹟標面有證空之字開山上人爲帳中秘可知也

決定往生集一卷

宗祖大師真蹟也筆法秀潤

唯識論全部

大論全部

共巖山古板也世謂之義真點蓋刻本之最古者

也

○檀王法林寺藏

諸經集懺儀二卷

紺紙金銀字 美福門院皇后真蹟與野山荒川經同其製傳云

龜山帝所頒賜也

六時禮讚一卷

宗祖大師真蹟

頻婆沙羅王經一卷

光明皇后書有跋

父母恩重經一卷

興正菩薩書

尊問愚答記一卷

建治元年乙亥三月十五日於東華藏寺抄之留

贈後昆共期生緣沙門了惠謹錄

大藏經全部

槩本

○東山東福寺藏

大藏經全部

宋本

福州板也每卷押三聖寺印有記曰
福州管內衆緣就開元禪寺雕造毘盧大藏經之
印板一副計五百餘函恭爲今上皇帝祝延聖壽
內外臣僚同資祿位都會首葛龜年鄭康曾縉陶
穀張嗣林桷陳芳林昭劉居中蔡康國陳誦蔡俊
臣劉漸陳靖謝忠前管句本悟見管句僧仔證會

前住持淨慧大師法超當山三殿大王大聖泗洲
時靖康元年八月日謹題

○按北禪遺草永和三年丁巳日向大慈寺剛中禪
師所附也禪師爲聖一國師曾孫以故有此舉云
元亨釋書三十卷

大日本國延文庚子六月有旨入毘盧大藏海藏
禪院寓居比丘單況等謹募衆緣恭爲今上皇帝
祝延聖壽文武官僚資崇祿位國泰民安命工鏤
梓與大藏經印板共行一部計三十卷時貞治三
年甲辰正月日謹題

○攝州四天王寺藏

大藏經全部

寬永板

輪藏大猷公所造營也奉安十六善神壯麗極美

法華經一部

南岳大師書云筆法導勁

殘闕經本一葉

上官太子真蹟

壽量品一卷

光明皇后真蹟

普門品一卷

白紙金字

櫻町院宸翰

法華經一部

管公真蹟細楷精正

五部大乘經

紺紙金字未詳筆者

法華經一部

元三大師書

金剛頂經十卷

慈覺大師真蹟

○播州極樂寺藏

瓦經願文

南贍部州大日本國播州極樂寺別當大法師禪慧敬白秘密教主常住三世淨妙法身摩訶毗盧遮那佛大恩教主釋迦牟尼如來極樂化主彌陀善逝當來導師彌勒慈尊金剛界三十七尊九會曼荼羅諸尊聖衆并胎藏界八葉九尊十三大會

塵刹聖衆外金剛部護世威德天等及至佛眼所
恒沙塵三寶境界而言伏惟生生世世之中
難受者南浮之人身在在處處之間難值者東漸
之佛法也而今我等雖受人身慇受愚慵之陋質
雖值佛法僅值論正之遺教然則自行化他俱有
有留難誠迺悲歎填胸淚浮雙眼者也雖然此時
若不修善根者何日更可得妙果乎方今始自釋
尊入滅二千一百六十餘年之比迄于慈氏下生
五十六億七千万歲之時爲施不壞不朽之利益
所修奇異奇妙之善根也三業拙誠六情凝志精

進潔齊造清淨瓦奉彫圖寫

金剛界九會法曼荼羅一幘

胎藏界十三大會法曼荼羅一幘

梵字阿彌陀曼荼羅一幘 梵字法華曼荼羅一幘

寶篋印陀羅尼經一卷 妙法蓮華經一部八卷

阿彌陀經一卷 顯無邊佛土功德經一卷

八名普密陀羅尼經一卷 般若心經一卷

般若理趣經一卷 金剛界禮懺文一卷

文殊師利發願經一卷 三十五佛名禮懺經一卷

五十三佛名經一卷

三十佛十方佛七佛二佛等名號一卷

梵網經十重禁戒并四十八口一卷

梵字金剛界五佛真言胎藏界九尊真言并佛眼一字大金剛輪無量壽陀羅尼并心真言決定往淨立真言釋迦彌勒藥師真言無垢淨光寶樓閣光明真言菩提場百千印兩寶陀羅尼滅惡趣破地獄滅罪隨求尊勝法身真言六觀音真言勢至地藏龍樹普賢文殊虛空藏不動大威德孔雀明王愛染明王大元明王金剛藏王多聞吉祥北斗等真言各一遍今年又以甄瓦奉造立大日如來

三昧耶形五輪窣覩婆四基又奉造立西方極樂化主阿彌陀如來像一軀無佛世界能化主地藏菩薩像一軀又奉彫書寫

金光明經一部四卷 三千佛名經一部三卷

梵網經一部二卷 普賢十願經一卷

藥師經一卷 仁王般若經一部二卷

金剛般若經一卷 金剛壽命經一卷

大般若四十二字一遍未燒之時以錐書之書寫之後積薪燒之是皆六七日中如說懶一兩年間書寫終功未法方年餘經雖滅唯願此曼茶羅佛

菩薩佛像顯密經典諸真言等久在地中至于當來星宿劫末利物偏增而已古人有言曰凡文朽靖而思之誠哉斯言彼隋文帝仁壽年中衡州起塔墻地四尺卽得古瓦其上有万歲千秋樂未央之文世以之謂祥瑞人以之爲美談矣我朝皇極天皇御願河內國常樂寺壇下被奉埋納瓦小佛像數万軀其後雖及五百餘歲□□不朽者也然則此曼荼羅佛□□梵字真言顯密經典雖□□□□不朽久在此地可施利□□□□此經典等書寫之間□□□□依有夢想奉埋納于氏

寺後峰旣了此寺者則我朝賢王前一條院之御願寺鎮護國家之大伽藍也曩祖勘解相公藤有國并從三位橘德子同心合力殊存忠節其息參議廣業三位資業爲當州刺史之時奉爲聖朝安穩國土豐饒更擇勝地所被奉建立左有青龍之水其流潺湲右有白虎之丘其勢峻嶮前有朱雀之池其涯如半月後有玄武之山其峰似三胡誠乃幽奇勝絕之靈地也歸敬阿彌陀如來爲本尊勸請八幡大菩薩爲鎮守加以金峯藏王熊野權現丹生高野春日北野日吉住吉廣田南宮等諸

大明神同勸請之又爲鎮守然則就此勝池更擇良辰具注意趣發願回向而已方今當座□之師匠大阿闍梨覺□源底西方淨刹之行久積□晦跡山林東寺真言□源底西方淨刹之行久積□乎四時持念之床上八葉蓮華惟鮮五相成身之窓中三妄□勤修秘法億千座三□無疑讀誦法華四十年□豈又有殘乎爰爲隨喜垂降□爲結緣令啓白而已方今此處仁勝埋納諸曼荼羅佛菩薩像梵字真言顯密經典故□如來大全身舍利積聚如來寶塔一切如

來無量俱胝心陁羅尼密印法要今在其中俱胝百千如來之身亦是百千俱胝如來全身舍利聚八万四千法蘊亦住其中九十九百千万俱胝如來頂相亦在其中如是九十九百千万俱胝一切如來應正等覺側塞無隙猶如胡麻重疊起來晝夜現身加持我等如是一切諸佛如來無數恒沙前聚未去後群重來須臾推遷廻轉更赴譬如細沙在水強急不得停滯廻去復來梵天帝釋四大天王日月五星南斗北辰北斗七星九執曜十二宮神二十八宿十六善神二十八部大藥叉將一

切諸仙藥火鬼神琰魔法王琰魔后妃太山府君
五□□神司命司祿冥官冥衆總□□□部護世
威德天等三界□□□□神十方世界權實大
小神祇不越三昧耶遂念本誓願常恒護持不斷
侍衛護法天等散花恭敬堅牢地神取蓋護持矣
若久遙見此峰暫生一念之信心必得二世之利
益何況運步而參詣致信而恭敬者乎如彼寶篋
印陁□說□有情能於此處一香華禮拜供養無
始以來死重罪一時闕滅生免灾殃死生佛家此
法曼荼羅佛菩薩像梵字真言顯教密教諸經文

字亘三世而常恒遍十方而不變一切諸佛甚深
之秘藏三身如來真實之正體楞嚴般若皆以具
足自行化他悉無闕滅字字顯三世諸佛四種法
身句句寫自利利他無邊万德是以若有衆生應
以佛身得度者此曼荼羅佛菩薩像梵字真言顯
密經典作相好莊嚴佛說法利生若有衆生應以
九法界身得度者現隨類形聲說法利生又有衆
生無一實菩提心者放大菩提心光照屬其身令
發菩提心若有衆生沈三惡道苦患者放大慈悲
之光照火□刀之身令離其重苦彼刀兵劫之時

制鬪諍之灾難疾疫灾之時授醫王之妙藥飢餓
災之時雨無盡之飲食旱魃灾之時降霧□之甘
雨凡周遍法界施作佛事常恒利益一切衆生出
離生死令證菩提唯願諸曼荼羅佛菩薩像梵字
真言顯密經典始自今生于來世生生世世暫無
相離在在處處施利益若依惡業墮地獄縱入猛
火放清淨光而消猛焰縱墮寒冰放溫和光而救
寒苦餓鬼飢餓之苦畜生殘害之悲修羅鬪諍之
□□衆三熟之苦人間八苦天上五衰□厥三眾
六道一切衆苦願□相救□□無上佛果無邊方

字亘三世而常恒遍十方而不變一切諸佛甚深
之秘藏三身如來真實之正體楞嚴般若皆以具
足自行化他悉無闕滅字字顯三世諸佛四種法
身句句寫自利利他無邊功德是以若有衆生應
以佛身得度者此曼荼羅佛菩薩像梵字真言顯
密經典作相好莊嚴佛說法利生若有衆生應以
九法界身得度者現隨類形聲說法利生又有衆
生無一實菩提心者放大菩提心光照屬其身令
發菩提心若有衆生沈三惡道苦患者放大慈悲
之光照火□刀之身令離其重苦彼刀兵劫之時

制鬪諍之灾難疾疫灾之時授醫王之妙藥飢餓
災之時雨無盡之飲食旱魃灾之時降霑甘之甘
雨凡周遍法界施作佛事常恒利益一切衆生出
離生死令證菩提唯願諸曼荼羅佛菩薩像梵字
真言顯密經典始自今生于來世生生世世暫無
相離在在處處施利益若依惡業墮地獄縱入猛
火放清淨光而消猛焰縱墮寒冰放溫和光而救
寒苦餓鬼飢饉之苦畜生殘害之悲修羅鬪諍之
○○衆三熟之苦人間八苦天上五衰厥三眾
六道一切衆苦願相救無上佛果無邊方

德皆依此善根悉得成就矣抑去年暮秋寫經之
時堂前櫻樹一朝開如遇春今茲季夏寫經之時
洞中靈鳥每夜常唱佛法僧斯處此鳥所未曾聞
也誠也乃動殖之祥瑞天地之感應者歟依大聖
文殊之護念遂少僧清淨之宿願而已此間夢想
不能具記爰佛子禪慧去康治元年之比參詣當
寺之時先伐拂庄內桑木三千本停止在家所
出之綿致之制已了思其蠶養之葉依
爲重罪之基也後殊勵一心之精誠專營三堂之
修理卽奉相誓長日佛供每夜燈明閼伽不斷

香等了兼又支配供田所令始終法華常行兩三
昧也每月朔日爲恒例勤囑請十口之禪侶讀誦
千卷之心經卽所令勤修般若心經請一座也每
月三箇度講讀仁王般若經所奉令法樂莊嚴八
幡大菩薩丹生大明神灑藏懼現等也每月晦日
爲恒例勤勸誘五十二類調進隨分供具所奉令
勤修舍利也講每月六節日爲天下安穩所奉令
轉讀大般若經也此外每月勤修講讀十三箇度
也所謂定光毘沙門虛空藏普賢阿彌陀觀音勢
至地藏文殊舍那藥王釋迦等請也以光明真言

尊勝陀羅尼加持之土砂令散於當寺并國中之
尸□墓所不知幾千万處普勸進道心之禪侶令
勤修舍利講及十三万座普勸十方欲滿百万座
又勸進四十餘人之道俗令勤修小豆念佛及二
百餘石普勸進世間欲滿百万石奉養口之□□
所令讀誦阿彌陀經十萬座也□□千日之溫
室三箇處日數過半人數□□十萬餘人了普勸
進諸國欲結構千處令讀誦法華經一千部奉安
置卷數於此法華堂了凡令讀誦法華經前後并
四千部也普勸進十方欲滿一方部奉令書寫一

日法華經三箇度普勸進諸處欲滿一千部令出家得度僧十人尼四人普勸進欲滿三千人而已
○勸進寺中庄內之道俗令奉獻六万九千三百八十四前之香華了又勸進寺僧庄民等一日之內奉令造立供養石塔八万四千基了又囑請有緣禪侶七箇日如法如說奉令造立供養泥塔十方基了又爲奉安置於淨土堂所奉令造立極樂佛菩薩像五百體也此外於焉有可勸修佛事所謂如法
○仁王曾并万燈會千僧供養千
者壇彌等也凡厥昔住本寺久所勤修功德目錄不遑

羅綏佛子禪慧爲往生極樂普殖事理之善根爲頓證菩提廣修顯密之行業琰魔王之札上注而有餘天帝釋之鏡中照而無隱者歟然則現世安穩息灾延命福智增長顯密修學興法利生廣作佛事無邊大願決定成就臨終正念預知時至遇善知識教稱十念聖衆現前乘佛願力上品上生極樂往生見佛聞法悟無生忍具六神通以本願力還來此界再見此處禮拜此等諸曼荼羅佛菩薩像梵字真言顯密經典億宿命智廣作佛事利益衆生乃至值遇慈尊出世我等從彼極樂淨土

更來斯處拜見此等廣作佛事普利衆生慈氏以後現在諸佛至于未來千出世我等更來斯處再見此等廣作佛事利益衆生自他同證無上菩提仰願部界會諸尊聖衆梵宇真言顯密經典始自今日結緣之四衆乃至十方法界之群類各隨機根施利益

追註

又於法華堂前始修長日法華講也必於同堂奉書寫始每日三行之法華經也又勸進寺中庄內之道俗男女令勤念七日七夜百萬遍之念佛

凡三日三夜十萬遍之阿彌陀心真言及于九人普勸進十方欲滿百万人矣

天養元年歲次甲子六月廿四日於播州極樂寺依大法主禪慧勸進

普賢十願經一卷

奉書寫已畢金剛佛子仁勝願以此功德普及於一切我等與衆生皆共成佛道

般若理趣經一卷

願以書寫功往生安樂國面見彼佛阿彌陀疾證無上大菩提筆者沙門永尊

金光明經四卷

天養元年歲次甲子六月廿日於播州極樂寺依
大法寶禪慧之勸進奉書寫畢

捨身流淚沙門嚴智

○藝州嚴島神社藏

大藏經全部

二藏

有輪藏二一曰龍宮海藏一曰轉法輪藏天文中
大願寺道本上人所創建也蓋收宋本并麗本云
法華經八卷

法師功德品第十九

長寛二年九月一日

從二位行權中納言平朝臣清盛

分別功德品第十七左衛門少尉平盛國

藥王菩薩本事品第卅三左衛門少尉平盛信

妙莊嚴王本事品第廿七

長寛二年六月二日左兵衛尉平朝臣重康

阿彌陀經一卷權中納言平清盛

心經一卷仁安二年二月廿三日

太政大臣從一位平朝臣清盛書寫之

願文一通

弟子清盛敬白夫以蘋蘩風芳自混芬陁利花之
露潢污水潔遂歸薩婆若海之波和光同塵不其
然乎伏惟安藝國伊都伎島大明神名載常篇禮
存恒典一逼據孤洲之巔辭四面臨巨海之渺茫
謂其靈勝則如雲蓬露萊之在乾坤之外謂其締
構亦看金殿玉樓之極峴閭之間凡厥靈驗威神
言語道斷者也於是弟子本有因緣專致欽仰利
生揭焉久保家門之福緣夢感無誤早驗子第之
榮華今生之願望已滿來世之妙果宜期相傳云
當社是觀世音菩薩之化現也又往年之比有一

沙門相語弟子曰願菩提心之者祈請此社必有
發得自聞斯言偏以信受歸依本意蓋在于茲但
事隔經論之說旨非書紀之文委巷之語恐似憑
虛然猶倩思諸法之定不定唯在一心之信不信
者歟故漢主之信臣節也河上之浪忽結冰李廣
之思父讎也草中之石暗飲羽何況百界千如說
而爲經謂之妙法二十八品顯而爲人謂之觀音
從本垂迹現而爲神謂之當社本迹雖異利益惟
同若授不退金輪之手菩提心定純熟若承上品
蓮臺之跡菩提道速圓滿發心之義豈成疑殆而

今雖爲在家之身已有求道之志朝暮所營者讚
佛乘之業寤寐所繫者生極樂之望若是懇祈之
所致宜應之令然歟是以彌致報賽欲發淨心奉
書寫妙法蓮華經一部廿八品無量義觀普賢阿
彌陀般若心等經各一卷便奉納于金銅篋一合
可安置之於寶殿矣弟子并家督三品武衛將軍
及他子息等兼又舍弟將作大匠能州兩刺史門
人家僕都盧世二人各分一品一卷所令盡善盡
美也花敷蓮現之文出自吾家之合力玉軸絲牋
之典成自一族之同情蓋爲廣修功德各得利益

也二年之天暮秋之候自參寶前敬講華偈始自
明年將終世講以爲年事不可失墜擬分渝於真
如之宮福黍稷於醍醐之味捧此功德奉貢當社
鎮護國家之威長被百王成就衆生之誓彌遍三
土於戲龍管之凌鯨波不容易雖忘持重九卿之
詣孤島又甚稀庶爲相憐唯願速得無上之道心
必遂順次之往生進思無始之罪垢雖似雲之滿
虛空退觀一心之本源猶譬日之照霜露然則百
年之終十念具足超中有遊西方雖下品不嫌猶
聞法於未敷蓮華之裏證中道未晚先利物於舊

栖桑梓之卿能至菩提引導法界今日之願旨趣
如斯乃至福業所覃迴施不限敬白

長寬二年九月日弟子從二位行權中訥言兼皇
大官權太夫平朝臣清盛敬白

○筑前宗像神社藏

阿彌陀經碑

○按田島石經記曰宋阿育王山僧佛照禪師所贈
平重盛公物也續風土記曰隋陳仁稜所書襄陽
碑者誤也碑面有大宋紹熙六年乙卯孟陽月之
欵識則爲宋人書可知也

大藏經全部

寫本

每卷有欵識華嚴經卷尾曰昔釋尊以三七日口
之今弟子以九十日筆之說法與書雖異開悟得
脫是同

又曰斷金結緣大宮司從五位下宗像朝臣氏國
承元元年十二月十六日書畢

執筆書寫比丘良祐

又曰文治元年乙巳二月十九日起筆至承元三
年己巳二月十六日卒業時年五十一

○按鶴林玉露曰余少年時於鍾陸邂逅日本國一

僧名安覺自言離其國已十年欲盡記一部藏經乃歸念誦甚苦不舍晝夜每有遺忘則叩頭佛前祈佛陰相是時已記藏經一半矣安覺良祐法師之號也又曰經祐俗姓色條氏東福千光國師弟也

○江州石山寺藏

大藏經全部

寫本

紫式部真蹟也書法秀潤傳云經背書源氏物語此本無

同經全部

光明皇后真蹟有跋如前出

阿毗曇論全部

求學沙門淳祐書世謂之香聖經淳祐阿闍梨傳見延寶高僧傳

○江州三井寺園城寺藏

大唐國日本國付法血脈圖記一卷

貞觀十六年十一月四日圓珍記

彌勒經疏三卷

寃平二年閏九月十一日金忠大德贈施圓珍

毘盧遮那如來卅七尊曼茶羅印信一卷

三聚淨戒一卷

義真 德圓 圓仁 法度 光定

無行 安惠 各真蹟

法華經七卷

鴻山郡戶長李臣起特爲嚴侍義方壽倒三松先
亡聖善足躡九蓮普及自佗現在未來獲福無邊
之願寫成銀字蓮經七軸廣施無窮者

天曆三年庚午四月日臣起誌同願比丘正因
大藏經全部

寫本

願書藏經功德力世世生生聞正法後醍醐院證

真常考妣二親成正覺元弘已後戰亡魂一切怨
親悉超度四生六道盡沾恩天下太平民樂業

文和三年甲午歲正月廿三日

征夷大將軍正二位源朝臣尊氏謹誌

每卷有此願文并筆者欵識今隨所見聞錄焉
攝大乘現證三昧大教王經卷十二

奉大檀那鈞命所書也

淨光明律寺寓住比丘康嚴 住持比丘惠超校
文和三年甲午正月廿三日

發菩提心破諸魔經上卷

極樂律寺寓住圓通書 茗荔本達撰

大般若經卷第四百六 寓東山泉涌小比丘祖裔
卷第五百一十三 速成就院寓住持比丘寥忠

大乘不思議神通境界經 蓮花寺住持比丘寥忠

正法念處經卷第三 寓南禪比丘良碩

長阿含經卷第三 臨川寺寓居比丘契源

四分律第五 東福寓居比丘良銑

五分律第十四 真如寺寄住比丘妙澤

金剛香菩薩經 淨妙禪寺寓住真月

大寶積經第五十 安國寓比丘正漸

瑜伽論第二十 天龍寺寓居比丘梵陶

雜集論第十

法勝寺寓居比丘性睿

俱舍論本頌一卷

高山寺寓住比丘貞海

毘奈耶雜事第四十

大覺寺寓住比丘實忍

○江州寶光寺藏

大般若經六百卷

正應三年庚寅十一月廿二日爲悲母妙阿

勸進沙門信等

○伊勢神宮寺藏

大般若經六百卷

右奉爲

天照太神法樂莊嚴威光倍增敬拂瑞垣所奉供養
也有願文一通今不載

文治二年四月廿六日

法橋上人位慶宗 權律師法橋上人位成寶
前權律師法橋上人位實憲 法眼和尚位定勝
權少僧都法眼和尚位辨曉
別當權大僧都法眼和尚位雅寶
大藏經全部

弘安三年正月西大寺睿尊謁

伊勢大神宮奉納大藏經時感靈夢云備見興正菩薩傳

大般若經全部 八幡別所安置

同 全部 常明寺安置

同 全部 天覺寺安置

大藏經全部

延寶六年戊午七月十七日

黃櫟鐵眼禪師雕造大藏奉獻一部於

太神宮廣前今收在山田寂照寺

瓦經在伊勢會相郡小田外宮舊跡

承安四年甲午五月廿七日納五部秘經兩部曼茶羅筆者遵西觀道聖堅瓦工三河國平四郎

○尾州大須真福寺藏

大藏經全部

宋本福州板也南禪寺大授菴舊藏

應永三十年孟春日藤原氏女比丘尼玄璋購得以爲考妣冥佑永施入朝明之福藏

顯密疏抄類凡六千七十卷餘

有目錄十六卷自大治仁平至慶長元和諸宗古書莫不該羅焉

○相州鎌倉光明寺藏

大乘方等阿彌陀如來根本秘密神呪經

大日本國相州鎌倉縣佐介淨刹天照光明蓮花淨寺奉施入淨土三部大乘經十部之內

弘治第三曆丁巳七月大吉日

從五位下前左兵衛佐源臣賴康

指押

大藏經全部

明本

恭茲發心就相陽鎌倉光明淨寺建於瑤藏鎮奉於大藏經全部并備續又續總計貳千四百七拾有一卷三百四拾五帙焉願以此功德祖宗世世

云終是歸

真靈離苦得樂閻家主臣離災繁榮者矣

當時寺主五十四世松譽大和尚

寶永第六歲旅己丑林鐘月日

勢州射和富山氏深譽淨源敬白

○鶴岡入幡宮藏

大藏經全部

元本

杭州路餘杭縣白雲宗南山大普寧寺大藏

奉口峨嵋山崇聖寺傳天台宗教比丘師正校勘

初學記一卷

西京寶應寺沙門釋

清覺述

南山大普寧寺嗣孫

道安注

卷首有趙子昂序

大般若經全部

爲宿願開板畢正二位源朝臣尊氏

觀應二年辛卯九月十五日

同經全部

文和二年癸巳九月廿二日左馬顏源基氏

同經全部

延文二年丁酉十月五日勸進沙門智感

同卷第四百九十三

古經類稿

止

舊

應永十二年十月日結城彈正少弼入道禪貴

兵部侍郎源朝臣奉三寶弟子性祐

同卷第五百三

應永二十一年正月日左衛督源持氏

同卷第五百二

關東都元帥幸王丸

法華經八卷

奉納鶴岡八幡宮寺總奉行前陸奥守憲直

永享五年癸丑三月廿三日

○鎌倉圓覺寺藏

大般若經全部

足利板

爲宿願開板畢

觀應三年九月十五日正二位源朝臣尊氏

同全部

文和二年九月廿二日左馬頭源基氏

卷第二百一曰總奉行人別三百內大檀那正五
位下行兵部大輔平朝臣氏重

貞治四年乙巳十一月十六日

大雲輪請雨經一卷

宋板

福州開元禪寺住持傳法賜紫慧通大師了一謹

募衆緣恭爲今上皇帝祝延聖壽文武官僚資崇
祿位圓成雕造毘盧大藏經板一副時紹興戊辰

閏八月日

普現觀經一卷

慈惠大師真跡

紺紙金泥

舍利講式一卷

世尊寺殿行能卿真蹟

維摩經二卷

高麗本

○建長寺藏

法華經八卷

日蓮上人真蹟表紙有畫蓮共出一筆

金剛般若經一卷

建長開山大覺禪師蘭溪道隆真蹟

印方圓二印其方者曰巨福建長其圓者曰蘭溪

古經題跋上

古文選

卷之二

